

鼎  
鑿  
幼  
幼  
集  
成

開鑑幼幼集成卷之六

羅浮陳復正飛霞氏

刪潤

萬氏痘麻

盧陵劉勸宋孟氏

校正

遜陽周宗頤虛中氏參定

○一成實盞治歌

凡二十一首  
共二十六方

起發之時漸作膿，毒氣隨膿化語無凶。

或成空殼兼清水，毒氣留連慮晚攻。

凡痘瘡自起發之後血化爲水、水化爲膿，至此膿已成，毒已化矣。飲食如常不吉乎？若當起發殼中

出清水、此氣至而血不隨也。治之當益其榮、宜四物化毒湯。

或內含清水平塌不起、此血至而氣不隨也。當益其衛、宜保元化毒湯。

或窠囊浮腫、中含清水、如水泡之狀、此氣血俱虛、不能制毒、反爲毒逼、漸變癰瘍、治之當托其毒、因其榮衛、使無癰瘍、以十全化毒湯主之。

亦有飲食如常、六腑充實、若見空穀清水之證、雖能收斂、未免發爲癰毒、不可不早治之。

膿成毒化笑顏開、猶慮形生變證來、

莫謂清安無個事、風雲不測霎時灾、

痘瘡至成膿胞、此收功之時、手足常要和暖、過熱過寒者變也、人事常要安靜、煩燥悶亂者變也、六腑常要充實、忽吐利者變也、聲音要常响亮、忽喑啞者變也、飲食要漸進、忽不食反作渴者變也、色要蒼蠟形、要飽滿、忽灰白平塌者變也、瘡要安和、忽癰痛者變也、或觸風寒、或犯禁忌、或傷食、或悞服湯丸、醫者當詳察其所因而治之、

四肢溫暖始相宜、寒熱垂常勢漸離

補瀉無偏能謹慎、折肱端的信良醫

凡痘瘡手足常要和暖不宜太熱太寒寒熱太甚則水火偏勝而殘矣假如病人六腑閉結狂妄煩躁口乾作渴其脉洪數沉緊者實也手足熱本病也若手足冷陽極似陰謂之陽厥下之勿疑宜承氣化毒湯

若曾經吐瀉其脉沉細微弱者虛也手足冷本病也若手足熱乃陰極似陽謂之陰躁宜補之回陽化

毒湯溫之

養漿安靜吉堪誇。戰惕鳴牙禍必加。

痈癰躁煩雙足冷。縱教仙手枉謹譁。

凡痘瘡已成漿或寒戰或咬牙單見一證者可治。蓋寒戰因瘡出太甚表虛而振振搖動者有之宜養衛化毒湯。

若咬牙者必肝火甚其牙相憂而鳴也宜清神化毒湯涼解之。

若寒戰咬牙並作者此陽脫神喪不可治矣若因瘡

痛由膿血細急而脹痛者宜導神化毒湯

若吐利而手足冷者宜回陽化毒湯方見前更兼寒戰

咬牙悶亂煩躁瘡瘍者不治

有膿有血毒歸瘡端的其人正氣強

莫遇中虛生吐瀉功虧一簣費消詳

凡痘瘡成漿之時不宜吐瀉如吐而無物惡證也因衝任之火上冲於胃直犯清道而逆出之爲不治若吐而有物者用養胃化毒湯和之

凡泄瀉視其所出之物何如若色黃而臭小便黃赤

熱也、宜香連化毒湯、

若瀉出之物清冷不臭、小便清長、舌上無苔寒也、宜  
理中化毒湯、

如瀉久不止、不論冷熱皆宜止之、通用理中化毒湯、

荳蔻丸方見前

若吐瀉不止、手足厥冷、此脾胃之氣將絕急宜附子  
化毒湯、

其有無時溏泄、手足和暖飲食如常、雖治之不止亦  
可言無事也、

身外諸瘡膿血成 咽喉自此貴寧清、

反加喎水聲音啞 咽爛喉穿鬼伴行、

凡痘瘡初出失於調解以致毒火熏蒸喉舌生瘡又失於解毒其瘡稠密然外瘡未熟至於養水之時則先熟者又先醫矣所以咽喉宜漸和平聲音清亮飲食不難此吉兆也若當此時飲水則喎食穀則噦甚者失聲此內瘡糜爛舌上成坑咽門腐爛肺管壅塞以致呼吸皆廢飲食卒絕而死矣亦有先本無瘡因誤食辛熱之物或誤投辛熱之藥其

後旋生是證者可急用甘桔化毒湯服藥後病退者吉不退者凶

或咽門無瘡而暴暗者此少陰之血不榮於舌山宜養心化毒湯

若有聲而不清此火毒乘於肺也宜瀉白化毒湯中病即止不中勿治

陷起平尖脚潤紅 痞囊飽滿蠅漿充

自然氣色咸如式 罢見差池便不同

凡痘養漿之時若平日中陷者盡起頂平者盡尖根

脚紅活，窠囊飽滿，其色蒼蠟，氣如蒸豆，自然安吉。  
益灰目雖爲膿之正色，亦由氣之不足，宜大補化  
毒湯。若因泄瀉而灰目者，宜固本化毒湯。

若其氣腥臭，此有濕熱，宜解其標，用解肌化毒湯，外  
以益元散薄敷瘡上，勿令至於潰爛可也。

正值成漿，忽癢搔，用心調護，莫辭勞。

不分乾濕，皆凶候。能食神清福自高。

凡痘至成漿，切防搔癢，抓破以洩其氣，俗云掀破出  
血者吉，不出血者凶。殊不知起發之時，其瘡未脫

而內是血，拆破宜出血。若養榮之時，其瘡已癟，而內是膿，拆破有血無血，何足以定吉凶？大抵不宜作癰，如作癰而人清爽，自知其悞，拆破或言其癰欲人拊之者吉。若癰而悶亂煩躁，語之不聽，禁之不止，搖頭扭頸，手足舞亂者凶也。如其人清爽，癰癟不住者，當視其形體虛實，未曾吐瀉者，宜四聖化毒湯，如元氣素弱而有吐瀉，宜參歸化毒湯。又要看其拆破處復灌成瘡，則吉。破而不灌，皮肉焦黑者不可治也。

正面將膿早破傷，依然腫灌復成瘡。

莫嗟敗面留殘喘，腫若消時愈斷腸。

凡視痘瘡以正面爲主，蓋五臟精華皆聚於面。如他處痘瘡破損，正面完全可言無事。若正面成片破損，別處雖完全亦何益哉？若破處復得腫灌成瘡，膿血淋漓，却又無事面。雖敗穿鼻破唇，但留殘喘耳，豈不愈於死耶？若破處不灌不腫，或腫而又消，煩躁悶亂，此毒氣倒陷，決不可治矣。

眉心鼻準耳輪邊，唇口諸瘡貴活鮮。

作痛作癢變而爲重者癢瘍振破煩悶而死矣。  
故房戶內外常須燒蒼朮大黃以避不正之氣。但  
二味氣味惡劣不可使痘兒聞之更不可焚燒諸  
香。蓋香能助火透入關節所以禁之。其諸穢厭房  
事最毒酒次之五辛又次之死屍之氣烈於糞穢  
狐狸之氣甚於犬羊烈風暴雨亦能爲害飲食之  
偏寒偏熱者勿恣於口天氣太熱則薄其衣衾常  
令涼爽太寒則溫其蓋覆常令溫暖皆調理切要  
之法不可不知凡用僧道灑水滌穢與醫家用藥

必用老誠之人既能清心寡慾而且經驗復多自能司人之命凡被房事生產月經所厭以大聚燒烟解之被酒所厭以葛根茵陳燒烟解之五辛所厭燒生薑烟解之被死屍疫厲厭以蒼朮大黃烟解之狐狸犬羊厭燒楓樹毬烟解之凡遇風雨須燒楓樹毬以避濕氣

膿血淋潤心臟虛舍空神亂若邪居

睡中妄語難甦省養血安神病自除

凡痘癰密成漿之時或昏昏而睡呼之不醒口中喃

喚妄語如被邪祟之狀時人不知多生驚怪殊不知此由膿血出多心臟空虛神無所依而然當養血安神病當自退宜寧神化毒湯與安神丸相間服之

瘡成腹痛果何因 便秘腸中火燥溼

又恐誤傷生冷食 消詳補瀉貴情真

瘡出之初腹痛乃爲毒氣瘡成無膿而腹痛未可以爲毒也當審其人便解飲食何如耳向若未得大便此燥屎在裏而痛宜大黃化毒湯微利之不可

拘於首尾不可下之說坐以待變也。

若因誤傷生冷或飲冷而痛宜溫中化毒湯燮之效  
瘧毒無邪證適中忽然腹脹氣龐鴻

此因飲多生變消導天然不用攻

凡痘順正表裏無邪膿血已成可無苦矣忽然腹脹  
氣喘色變而煩悶者必傷食得之也何以知之以其  
瘧正故也宜消導之用助脾化毒湯

膿成盡說毒將升誰料其間未足憑

飽滿堅牢誠可愛塌平活潑最堪憎

世俗之見但知痘瘡已過一七發起作膿便言無事  
不知膿成之時尙未可憑信若郢郭堅厚膿漿飽  
滿言其無事信矣若平塌不飽滿淫濕不堅厚莫  
言無事至於十二三日之後尙有變異延綿日久  
而有死者矣

險逆諸瘡且勿云 耶將順證語諸君

緣何業已成漿口 尚有凶危不可堪

凡痘分三等有順有險有逆順者不須治險者治之  
吉逆者無可治今除險逆不必論然順者亦有成

漿之日，反變爲陰逆者，此何故也？蓋有失調理觸犯禁忌，悞服湯丸，恃其輕少而不調護，故令輕者變重，此人事之害也。又有只出一二粒而殞命者，厲氣使然也。豈人能逆料者哉？

○入方

四物化毒湯○治痘已起發氣至而血不至，殼中出清水。

全當歸  
正川芎  
懷生地  
白芍藥  
大麥冬  
牛蒡子  
淮木通  
生甘草等分  
半錢  
上薄桂減

燈心爲引水煎熱服

保元化毒湯○治痘血至而氣不至內涵水色平塌  
不起

官揀參 炙黃耆 全當歸 正川芎 荆芥穗  
上薄桂 牛蒡子 北防風 赤芍藥 炙甘草  
粳米一撮爲引水煎服

十全化毒湯○治血氣俱虛，窠囊浮腫，中涵清水如  
水泡

官揀參 漂白朮 白雲苓 炙甘草 正川芎

當歸身 白芍藥 懷穀地 炙黃耆 上薄桂

牛蒡子 粉乾葛

生薑大棗爲引水煎溫服

承氣化毒湯○治痘陽極似陰手足厥冷

小枳實 紫厚樸 川大黃酒炒 尖檳榔

生甘草

生薑三片爲引水煎滾熱服

回陽化毒湯○治痘陰極發躁手足大熱

官棟參 青化桂 漂白朮 白雲苓 川附片

灸甘草

大棗爲引水煎溫服

養衛化毒湯○治痘出太甚表虛而瘙戰

官棟參 炙黃耆 柳桂枝 當歸身 焉甘草

生薑三片大棗三枚引水煎服

清神化毒湯○治肝火太甚而咬牙

綠升麻 懷生地 杭麥冬 淮木通 北防風

灸甘草

燈心十莖爲引水煎服

導神化毒湯○治痘瘡太甚膿血繩急而竊以致咬  
牙

淮木通 杭揀冬 黑梔仁 炙甘草 炒棗仁  
鏡辰砂研

燈心十莖爲引水煎熱服

養胃化毒湯○治成漿時嘔吐而有物胃虛也

漂白朮 廣陳皮 白雲苓 西砂仁 薑炒連  
生薑一片爲引水煎服

香連化毒湯○治泄瀉色黃而臭熱也、

南木香 炒黃連 紹猪苓 漂白术 炙甘草  
燈心十根爲引水煎服

理中化毒湯○治泄瀉所出之物清冷不臭寒也

官揀參 炙甘草 漂白术 白雲苓 黑炮薑

大棗三枚爲引水煎服

附子化毒湯○治吐瀉不止手足厥冷脾胃將絕也

虢川附 官揀參 漂白术 炙黃耆 炮薑灰

炙甘草

炒米一撮大棗一枚引水煎溫冷服

甘桔化毒湯○治誤食辛熱之物或誤服熱藥以致  
咽喉破爛

大粉草 芥桔梗 鮮射干 淨連翹 牛蒡子  
水煎入竹瀝和服

養心化毒湯○治咽中無瘡而暴喑

大當歸 懷生地 大麥冬 緣升麻 天花粉

川黃檗 漂薯术 荆芥穗

生薑一片引水煎服

益元散

白滑石

一兩研細水飛

粉甘草

五錢

共爲細末、蜜水調敷瘡焦竊、胭脂浸汁調敷、

四聖化毒湯○治成癰之時忽然搔癢無吐瀉者、

淮木通 當歸尾 赤芍藥 北防風 柳楊桂

淨水煎服

參歸化毒湯○治元氣素弱、又兼吐瀉而作癰、

官揀參 大當歸 炙黃耆 赤芍藥 桂枝梢

漂白朮 炙甘草

水煎服 已上二證俱用熏洗法

熏洗二方俱見前

寧神化毒湯○治成業後，膿血去多，心虛神無所主。  
口中嘔語。

官據參  
當歸身  
懷生地  
大麥冬  
淮木通  
石菖蒲  
赤芍藥  
黑梔仁

燈心引、水煎服。

安神丸○治證如前

炒川連錢一錢  
當歸身五錢  
白茯神一錢  
炙甘草五分  
遠志肉一錢  
石菖蒲一錢  
炒棗仁五分

共爲末，猪心血搗勻爲丸，如芡實大，辰砂爲衣。每

二三丸燈心湯下

大黃化毒湯○治癰成大便秘結而腹痛內有燥糞、  
綠升麻 當歸身 懷生地 火麻仁 光桃仁

鮮紅花 陳枳殼 錦大黃 尖檳榔

生薑爲引水煎空心熱服

溫中化毒湯○治悞傷生冷冷水而腹痛

官揀參 公丁香 南木香 漂白术 青桂心  
炙甘草 炒白芍 西砂仁 小枳實 廣陳皮  
炮薑灰

大聚生薑引水煎服、

功脾化毒湯○治飲食過傷，抑遏脾氣，所以腹脹而喘

廣陳皮 法半夏 川厚樸 陳枳殼 家蘿子  
蘿蔔子 尖檳榔

生薑爲引，水煎服。

○一收臍證治歌

凡一十五首  
共一十六方

收臍難拘日數文，但憑稀密實虛分、

緩收循序多堅穩，太急須防餘毒熏。

痘瘡收癰不可以日數拘也、大抵痘稀元氣實者易  
出易癰痘密元氣虛者難出難癰只要循序緩收  
倘收太急乃毒熬煎血氣枯焦非正收也必發癰  
毒慄證甚則喪軀微則殘形矣、

人中上下別陰陽、收癰先於此處更、

若是足顱先癰黑、多凶少吉早曉防、

人中者督任二脉交會之衝痘疹先從此處出壯收  
癰爲陰陽和暢若於額顱乎足心先癰乃邪氣攻  
心莫救、

收齧從來貴整齊、臭腥煩爛便蹉跎、

其間順逆宜詳審、慎勿逡巡當局迷、

痘瘡收齧貴於整齊、乾如蠟齧者上也、頂破膿出、結如雞屎者次也、破爛無痂者下也、凡遇此等收齧、便須詢察曾犯何逆、如血氣本實、悞投補藥以邪得補、反餌正氣、如火燥爛、宜天水散解之、則邪火退而收齧齊矣、

如初飲冷水浸淫脾胃、以致收齧不齊、以除濕湯滲之、則內滲其濕、外燥其表、令好收齧、

若頭面潰爛其氣腥臭及遍身手足和皮脫去宜分順逆某膿成毒化飲食如常更無他苦者順也膿水未成是名倒臍不可量

痘到收時膿自乾封藏收服殼圓闊

莫教腐爛和皮脫此個還將倒陷看

痘瘡成膿之後結爲螺臍此毒從外解若不能結痂反成腐爛和皮脫去此倒陷毒氣入內也

但逢倒陷毒深潛復腫翻生始不嫌

頭面腫消空未補剝膚次近湯前占

凡痘倒陷係中氣不足、急用溫中托裏湯托之、服藥後破者復加腫澀無痘處又復出一層謂之補空俗云翻生痘是也、此正氣不虧、邪氣不出、雖過期延日、不爲害也、如頭面不腫、空處不補、卽易所謂剝以膚切近灾矣、安可爲哉、

臘時自利忽然侵、順逆中間仔細尋

膿血痂皮爲順候、不分木穀定歸陰

收臘之時、忽然瀉痢、若膿血痂皮之物、此脾強腎弱爲順候、痢盡自愈、不可強治、若不分木穀、此腎強

脾弱爲逆候。用炒米湯送荳蔻丸。剗止則言不止。

則凶。荳蔻丸

方見前

過期不癰。事蹠蹠。臭爛渾身。齧不齊。

黏席黏衣。何所治。白龍敗草。指群迷。

凡痘成膿之後。過期不癰。渾身潰爛。以致黏席黏衣。用白龍散。敗草散。觀貼。鋪床最佳。

收曆遲延。須治急。勞君察證。毋拘執。

縱意。逼師徒自傷。臨危施濟。終難及。

凡痘當屬不癰。須要詳審。不可忽畧。如冬寒之時。蓋

覆少薄被寒風鬱遏不能齶者宜桂枝解毒湯疏  
解之

如夏月衣被太厚熱氣熏蒸不能齶者宜去其衣被  
少令清涼用甘露解毒湯清之

倘一向大便秘結裏熱太甚不能齶者宜當歸解毒  
湯微利之膽導法尤妙

如泄渴氣虛不能齶者此只收齶不齊俗呼坐漿既  
也不須妄治如元氣素弱以致難齶宜參歸化毒  
湯解之

膾水將乾結盛時 休教愚昧失支持、

不知禁忌多翻變、却似爲山一簣兒、

世俗於收斂之時卽殺雞食之或薑椒之類謂其  
和暖殊不知雞屬辛能動風辛能助火脾胃強者  
無害弱者反助火邪以致發癰傷胃口舌生瘡則  
至壞病者有之矣又或宜溫而過熱宜涼而過寒  
皆爲犯禁亦能生變切宜慎之、

一向渾身涼且和、盛時忽熱事如何、

微微發熱乾膾水、太甚焦枯病轉多、

痘瘡始終要有微熱不可盡去若收癰之時反大熱作渴煩躁此毒在內更防陷伏急用生津涼血葛根湯以清之

破瘡復灌依然爛及至收成功愈慢

淋漓膿血苦難當大補湯丸君莫憚

凡痘瘡犯着皮嫩易破本不治之證但破損之後重復腫濶此正氣尙強毒不能入而發於外亦當依期收癰設不能癰乃正氣被邪氣剥削雖能逐邪出外不能逼邪成痴也急宜大補湯溫之不可因

循反生灾變

數個頑瘡不肯收，犯時鮮血却長流。

如逢此證休輕易，破膜傷筋命必休。

痘瘡破損灌腫作漏，不能乾水。一名嘶鈎瘡。一名陽瘡。犯着卽出血不止，乃難治之證。內服大補湯。方見前外以綿繭散敷之。若逡巡不治，以致灌傷筋骨，穿膜破空，天人生命者多矣。

灌瘡滿面血膿多，敗面傷睛奈若何。

却在良醫施妙手，調和中外起沉疴。

如面瘡破爛、反復腫灌、膿血侵淫，却防壞眼殘形，宜升麻解毒湯清之。

痘瘡孤破狀多般，出血成坑水更乾。

搔癢焦疼微小事，傷筋潰肉使形殘。

其痘瘡孤破之證非一，有破而出血者，陽瘡也，宜當歸涼血散解之。

有破而無水便乾枯者，此陷伏也要瘡復灌，肉復腫者爲佳。內服托裏回生散，有破而成坑者，此內陷也。內服托裏回生散，外用白龍散敷之。方見後若不

詳審已上三證治之微則殘形甚則傷命

收曆依期更着藥 或時戰慄或言邪

三元正氣將回復 不必巫醫不必嗟

凡痘欲收曆之時，痂皮圓靜，但時或戰慄，語言妄談，此爲正氣將復，不能自持，不必憂疑，須臾自定。

○入方

天水散○治痘悞投補藥反饋正氣而不收曆

白滑石

木飛一兩

粉甘草

細末五錢

共研勻，蜜水調以鵝毛蘸藥拂拭瘡上。

除濕湯○治脾胃受濕收脣不齊

川羌活

漂蒼术

北防風

淮木通

結猪苓

宣澤瀉

漂白术

赤芍藥

上薄桂

淨水煎服

溫中托裏湯○治痘瘡尙未收脣忽然倒陷中氣虛也

官掠參

炙黃耆

炙甘草

牛蒡子

當歸身

淨連翹

上薄桂

杭青皮

南木香

大棗三枚爲引水煎服

自龍散○治痘瘡渾身破爛不能懷抱者、

用乾牛屎燒灰取中間白者研末篩過敷爛處  
敗草散

用茅屋上爛茅燒灰研細篩過鋪於席上在其展  
轉此草多受霜露功能解毒故也、

桂枝解毒湯○治痘爲風寒鬱遏不能收盤、

上薄桂 赤芍藥 牛蒡子 北防風 淨蟬蛻  
生薑大棗引水煎服、

甘露解毒湯○治夏月天令炎熱者氣熏蒸不能收

卷之六  
屬

結猪苓

宜澤瀉

大麥冬

淮木通

小條芩

地骨皮

上薄桂

淨連翹

炙甘草

水煎熱服、

當歸解毒湯○治裏熱太甚、大便秘結、不能收曆、

懷生地

大當歸

火麻仁

陳枳殼

淨連翹

酒大黃

紫草茸

淨水煎空心滾熱服、

臘導法

治大便結燥血不潤腸以此通之不損元氣  
用大豬膽一個以小竹管挿入膽內以線扎定吹  
氣令滿另以線打活結收住其氣以竹挿入穀道  
內解去活結捏其膽令膽汁射入腸中直待氣透  
然後去膽便卽通矣

參歸化蟲湯

官揀參 炙黃耆 當歸身 牛蒡子 炙甘草  
水煎服 世人不知此等關係視若泛常不早求  
治待斃而已悲夫、

生津涼血葛根湯

治收廝忽然大熱煩渴此裏有毒也

粉乾葛 天花粉 地骨皮 當歸梢 淮木通

淨連翹 牛蒡子 酒黃芩 北柴胡 淡竹葉

大揀參 炙甘草

水煎熱服

大補湯○治痘破爛復灌元氣傷殘不能收廝

官揀參 炙黃耆 當歸身 淨連翹 上薄桂

牛蒡子 炙甘草

大棗爲引水煎服、

蠶繭繭散○治痘瘡破爛水不能乾犯之血出、

用出了蠶蛾綿繭不拘多少以白生箬搘碎納入  
繭內炭火煅之待箬汁乾研末乾擦瘡上卽安、  
升麻解毒湯○治面瘡破爛復灌膿血不乾、

綠升麻 香白芷 酒黃芩 淨連翹 淨蟬蛻  
淮木通 牛蒡子 密蒙花 白蒺藜 荆芥穗  
北防風 大當歸 炙甘草

燈心爲引水煎熱服、

當歸活血飲○治痘瘡抓破而出血者

當歸尾 鮮紅花 酒黃芩 淨連翹 炙黃耆  
官揀參 地骨皮 牛蒡子 生甘草  
燈心爲引水煎熱服

托裏回生散○治痘瘡破而無水，卽便乾枯者

炙黃耆 大當歸 淨連翹 上薄桂 牛蒡子

炙甘草

水煎入燒過人屎調服

○一落痂證歌

凡五首  
其三方

痂皮應落偏遲落。但恐斯時還作惡。

補脾實表有奇功。未可逡巡輕棄藥。

收癰之後痂殼自殘若黏着皮肉不脫乃表虛也尤當禁忌不可因循恐生他變宜調元固本湯治之

收癰之時不落痂。昏昏喜睡莫咨嗟。

只因脾胃多虛弱。調治專從戊己佳。

此證乃脾胃虛而好睡也。胃屬戊土脾屬己土宜健脾開胃調元清神湯醒之。

落痂之後察瘡癰盤平整紅鮮日漸安。

若是凸凹兼黑黯，好將敷藥補形完。

其瘡落痂之後，瘢痕平整，紅活者吉。若瘢肉凸起或凹陷紫黑，吉凶未可知也。用減痕散敷之。

瘡痂自落何勞急，擣指須防邪氣襲。

他年終作血風瘍，此際侵淫空涕泣。

痂落依期不必憂，緣何頭足更遲留。

陰陽孤獨如鯀寡，安得同時取次收。

凡陽生者以陰成之，陰生者以陽成之。經曰：孤陽不生，孤陰不成。其瘡收屬目人中平分上下，髮際以

上陽之陽也。謂之孤陽。足膝以下陰之陰也。謂之孤陰。所以瘡之收屬。至此二處。每每遲留。不能便乾。不可服藥。聽其自然則吉。

○入方

調元固本湯○治痘癰黏肉不脫。

官揀參 炙黃耆 當歸身 淨蟬蛻 炙甘草  
生薑大棗引水煎服

調元清神湯○治痘癰黏肉不脫而昏沉好睡。

官揀參 炙黃耆 大當歸 杭麥冬 廣陳皮

炒棗仁 炒川連 炙甘艸

大棗爲引水煎服

滅痕散○治癰落瘍肉凹凸紫黑

密陀參研爲細末以乳汁調搽瘡胞如無乳汁蜜  
調亦可若此藥搽上凸凹者自平紫黑者自退應  
効者吉不應効者凶

○一痘後餘毒證治歌

凡三十一首  
共四十六方

借問何爲痘後癰只因平塌少成膿  
毒邪蘊聚難消散透節尋關出要衝

凡痘初出一點血由血而化至膿、膿成而毒解矣。若  
出形之後，應起發不起發，癰成膿不成膿，一片空  
殼狀如蛇皮或平塌破損都無膿水，本爲死證。緣  
其人脾胃素強，又能飲食，亦可以引日收斂。只是  
毒邪蘊蓄於裏，必尋出路於關節之間，而爲癰腫。  
但發一二處可治，若流注於手足發之不止，腫灌  
不愈久而死矣。

痘癰先要明經絡，解毒調元兼裏托。  
決膿去毒急施功，莫待殘形變爲惡。

凡癰之發先看在何經絡分氣血多少而治之次看人之虛實以解毒托裏爲先不可亂施敷藥以致毒不得出內炎筋骨而成壞證如腫而未成膿者用必勝膏貼之已成膿者將鍛針決破其膿以生肌散敷之若腫毒而元氣素弱者以十六味流氣飲流通之若氣血虛而泄瀉者加附子以溫之若元氣素強者用連翹解毒湯主之如癰毒日久膿血去多者以十全大補湯扶元解毒惡證無如痘後丹皮膚蘊火毒相干

看他所發歸何部、心腎之經治亦難。

赤火丹瘤惡候也、流移紅腫其痛手不可近、痘瘡之後有發丹瘤者、因蓄火太甚不能發洩、鬱於肌肉之間、故發而爲丹、從頭上起過心即死、從足下起過腎即死、內服玄參化毒湯解之外、用鎌鋒砭法、癰疹何爲痘後呈、肌膚蘊毒未全清、

若教發盡無停滯、免得重重怪證生、

癰者皮膚間隱隱成疙瘩也、俗人謂之風丹、疹者皮膚點點狀如蚊蚤咬迹也、痘後發癰疹因毒火未

發盡藏於皮膚之間或搔癢因抓而成或因受風火相搏而成皆吉兆也正欲其發洩無使停留以變他證如發太甚內服防風敗毒散外以益元散拭之

益元散  
方見前

痘已收成齧不乾或時出血病難安

從前毒氣藏肌表 餭肉傷肌不忍看

此與前頑瘡不收相同凡覺痘瘡當齧不齧卽防此證當內服大補湯外以綿繭散敷之

綿繭散  
方見前

翳膜爲何眼內攢怪他熱毒壅於肝

還睛去翳多奇術 點洗徒招廢棄端

小兒歸痘之時卽用黃藥膏和胭脂塗眼防班瘡入眼也但班瘡入眼本不在初多在收齷之時或滿面破爛重復腫灌膿血膠固毒火鬱蒸在內其班瘡入眼或痘出已甚成就遲緩醫用辛熱之藥發之亦令班瘡入眼又或收齷之時喜啖辛熱謂之乾漿以致二火相燭亦令班瘡入眼但在目珠上不必治久而自去惟在黑輪上者或掩蔽瞳人慧用密蒙花散治之

兩目今朝乍畏明、肝虛邪火暗傷睛。

涼肝養血功無比、解使雙眸炯炯清。

凡痘後雙目見明不開、暗則閉者謂之羞明、宜涼肝  
明目散治之、若向暗處亦不閉者却妨目中有瘡、  
當如上法治之。

收後緣何便下紅、多由倒陷毒歸中。

利完膿血應須愈、強治翻爲聚怨叢。

膿血痂皮一路來、任他自止莫疑猜。

和中清熱施殘着、刦澁輕投病轉平。

痘後忽利膿血待其自止然後用和中清熱之劑不可便用止瀉但痢勢甚者宜黃連解毒湯清解之膿血盡後宜和中湯

痘證從前無倒陷 緣何膿血利無時

大腸鬱火多潛毒 解毒通腸貴早施

痘無倒陷之證却有膿血之痢由於平日食煎炒素有積熱今因痘後氣血虛不能勝積故痢膿血甚此名滯下必然腸鳴作竈裏急後重或因痘出之後飲食太多水停作泄熱毒乘虛入裏便下膿血

此名腸垢宜調胃承氣湯以微其毒次用黃芩湯  
調其陰陽

最怕收成嘔噦頻 咽疼胃弱毒潛淫、  
錯喉嘔水宜施治 乾嘔無聲鬼作鄰、

有聲有物謂之嘔、有物無聲謂之吐、有聲無物謂之  
噦、食穀卽吐謂之錯喉飲水而噴謂之嘔水今痘  
後凡有此等由熱毒壅塞胃口故令嘔吐咽門滯  
塞故令錯喉嘔水也惟乾嘔乃胃瘍腐爛不能納  
穀故時時張口似吐不吐乃不治之證亦有咽喉

作痛而嘔吐失聲者乃咽喉腐爛亦不可治惟但  
嘔吐陳皮竹茹湯咽喉痛甘桔湯

身已清安熱不除或因毒甚或元虛、

調元解毒分投用、寒熱分明効自如

痘既收屬則毒解而熱當除矣如熱一向不已非毒  
氣之餘烈必元氣之素虛惟以脉辨之如脉數形  
勇煩燥而熱此邪氣實也宜知母解毒湯如脉遲  
形怯熱而喜睡此正氣虛也宜黃芩調元湯、

收後渾身一向溫、乍然發熱細評論、

內傷外感須分治、此個真機妙法門、

痘癰之後、一向溫暖和平、並無餘熱、今忽發熱、不可  
以餘毒未解、正氣之虛、同論、必因外感風寒、其證  
頭目昏痛、惡寒、脉浮、宜桂枝湯、

或因內傷飲食、其證肚腹飽悶、不喜飲食、其脉弦滑、  
以補中益氣湯加消導藥而運用之、

飲食如常、腹裏疼、蓋由脾弱化難能  
看、他虛實行消導、方顯明良三折肱、

收醫之後、忽然腹疼、或嘔或泄、不思飲食、此傷食之

證虛則用上補中益氣湯治之、如無吐利、腹痛氣急、宜丁香脾積丸下之。若腹滿而痛、煩悶不寧、此毒火入中、急用雄黃解毒丸利之、不然漸加喘急、手足厥冷、則難治矣。

收後緣何食不思、偶然傷食少人知、  
補脾消導爲良法、強忍成疳悔是遲、

一向能食收後反不能食、聞食氣即嘔逆、此必食傷甚、可以脾積丸治之。方見前微則以保和丸調之、若隱忍不急求治、久則消瘦漸成疳癆矣、

寒熱纏身似瘧侵、不分早晚應期臨。

只緣脾胃多虛弱、補氣升陽貴酌斟。

此因痘後氣血兩傷、陰虛則內熱、陽虛則外寒、乍寒乍熱儼然瘧疾、切不可以爲瘧治、但以補中益氣湯升舉之、其病自愈。

收後渾身手足寒、好將氣血作虛看。

六經脈細如將脫、急早回陽病自安。

凡痘收屬之後、手足厥冷、六脈沉細、元氣大虛、急用調元生脈散、以溫之、稍用寒涼、必取敗亡也。

強打精神睡思昏，終朝何事不惺惺。

此因毒解神虛倦，氣血和平體自寧。

收盤而好睡乃毒解神虛此常事也不必調治有等  
苟且之流欺人不知而取利庸下之徒妄用湯丸  
而致禍者戒之戒之

睡思沈沈不識人，恍疑中酒妄言頻。

只因熱伏心包絡，保護心君妙入神。

凡收後拆睡連日不醒口中妄語或有醒時亦似醉  
人每多錯語此熱邪攻心心君不肯受邪傳於包

絡宜導赤解毒湯清之或用安神丸亦佳

收曆之餘搐搦繁責其火毒未全清

清心散火風應退發作無休命必傾

痘出發熱作搐此常候也若收曆之後反發搐者乃瘡發未透毒火內侵故也然此候發於收曆之餘血氣已衰治之甚難宜清神散火湯如藥對病者可治若連發不已死證也

身已康寧手足攣分明血少致斯愆

補脾養血誠仙訣不遇知音莫浪傳

凡痘後手足忽然攣拘不能屈伸轉運乃血少不能  
養筋又或外被風寒水濕以致然耳不可用發散  
併疎風之藥以耗其血只宜當歸桂枝湯補脾養  
血則手足自和

痘後還愁咳嗽多 總由毒火肺中磨

清金降火兼調氣 肘息胸高若命何

痘疹之後惟肺受傷至於收癥毒解宜乎寧矣若反  
咳嗽喘急乃毒火流入肺中也當清金降火宜寧  
肺湯保肺解毒服藥嗽不止胸高龜殼脅息者不

治

忽爾渾身腫脹形、或風或水食偏停、

腫因肺受宜清表、脹屬脾家利解寧、

痘收之後或面目浮四肢腫、此屬於肺、因表虛而受風寒、仍宜汗解用加味五皮湯、

若腹脹如鼓眼胞微腫、此屬於脾、由脾胃虛飲水過多、蓄滯於內、所食過多積熱於中、仍宜利解、宜厚樸湯、倘屬虛脹、不可妄攻、但宜藜腹子丸、

小便宜清偶澁遲、膀胱蓄熱少人知、

不將導赤爲良法、只恐遷延有變時。  
凡痘疹小便始終宜清、若收後不利此熱積膀胱宜  
加減導赤散以清其心。

便貴滋榮乍覺難、誰知腸胃液津乾、

潤腸膽導宜兼用、縱有餘邪便後安。

凡大便始終須宜潤澤、一二日一次爲佳、若至於收  
歷後而大便秘結、乃痘出太多血枯氣不潤腸宜

潤腸丸兼膽導法

膽導方見前

腠理疎通雨汗傾、衛虛榮弱兩無情、

建中自汗湯偏勝、盜汗歸黃六味平、

經曰衛氣者所以溫肌肉充皮毛肥腠理司開闔也、痘瘡之後衛氣受傷故收齷之後衛弱而汗出也、醒時常出爲自汗宜建中湯睡着而出者爲盜汗當歸六黃湯

血在身中本自寧、火邪迫血血違經、

鼻中細出堪調治、便尿中來命不停、

痘收齷後忽見血證大爲危候蓋鼻血出於肺吐血出於胃瀉血出於小腸便血出於大腸皆由毒入

於內迫血妄行急宜涼血地黃湯止之服藥後血  
不止者不治

忽吐蛇蟲證已非 要知內熱又常饑  
但聞食臭蟲斯出 嘔吐心煩蟲作威

傷寒吐蛇蟲責之胃寒、痘證吐蛇蟲責之裏熱、山熱毒拂  
鬱於裏又不能食、蟲無所養但聞食臭即湧出者  
宜黃連止蛇湯

炎炎胃火成疳餳 辛熱頻冷陽毒熾  
牙齦臭爛怕穿腮 藥有神功休論眞

凡痘瘡後牙齦生瘡時時出血謂之牙宣呼吸息臭謂之息露此走馬疳也由熱在陽明少陽宜內服洗心散外以蠶蛻散敷之

如舌上生瘡赤者謂之赤口瘡此熱在心脾二經內服洗心散外用陰陽散敷之

其瘡白者名白口瘡又名鵝口瘡此熱在心肺二經亦服洗心散外以硃礬散敷之

飲食緣何不發肌多因氣血兩相虧

和平丸散常宜服偏熱偏寒愈見離

凡兒素常肌肥痘後羸瘦雖能飲食而不爲肌膚乃氣血虛故也治之須兼陰陽不可偏勝偏陽則傷血偏陰則傷氣愈見乖離矣陰日宜服參芩白朮散陽日宜服當歸益榮丸

痘後分肉嫩切宜保護在昏朝

風寒暑濕常宜避洗拭擣禡莫饒

痘後中虛食易傷辛香生冷莫輕嘗

若貪口腹渾無忌犯却中和變內傷

此二條言收後調理之法在外也皮膚薄嫩易於感

冒若不避風寒暑濕梳洗搔揭則至於癰腫者有之生瘡癰者有之在內也腸胃並弱難於消化若不分生熟軟硬寒熱涼溫任意食之則成脹滿者有之至於瀉痢者亦有之可不慎歟

○入方

必勝膏○治痘癰初腫而未膿者

馬齒莧取汁公猪肪熬油好冬蜜

三味等分同入砂鍋內熬成膏厚塗腫上

生肌散○治痘癰已成膿破爛不能收口

香白芷

錢一

石龍骨

五分

浙貝母

二錢

赤石脂

一錢

新白芨

錢一

共爲極細末敷之

六味流氣飲○治痘癰腫瘍元氣素虛者

官揀參

大川芎

當歸身

赤芍藥

北防風

南木香

炙黃耆

上薄桂

香白芷

芽桔梗

尖檳榔

川厚模

台烏藥

紫草草

陳枳殼

炙甘草

氣血虛而瀉利者加枳附子

大便秘

結者加酒參大黃

淨水煎半餳服

連翹解毒湯○治痘癰腫痛能食而元氣強者

淨連翹 香白芷 大川芎 當歸尾 赤芍藥  
牛蒡子 穿山甲 炙甘草

淨水煎服

屬太陽經者本方加 川羌活 漢防已

屬陽明經者本方加 綠升麻 粉乾葛

屬少陽經者本方加 北柴胡 枸黃芩

屬太陰經者本方加 青化桂 北防風

屬少陰經者本方加

川黃連

淮木通

屬厥陰經者本方加

北柴胡

杭青皮

予按但云六經加味而不指明處所未免闕畧今  
分晰之以便治療

太陽經所屬

項背腰脊足外廉足臟

陽明經所屬

額眉眼面胸兩乳牙齦

少陽經所屬

左右頭角耳前左右兩脇腋

太陰經所屬

中脘四肢兩足腹

少陰經所屬

臍腹手足心手足內廉足跟

厥陰經所屬 腦頂小腹男婦陰器

十全大補湯○治痘癰破爛膿血去多速救元氣

官揀參 正川芎 當歸身 赤芍藥 懷柔地

白雲苓 炙黃耆 青化桂 香白芷 金銀花

淨連翹 炙甘草

生薑大棗爲引水煎服仍照以前加入引經藥凡見癰毒以上法治之不可因循恐成大患微則殘形甚則殞命

參解毒湯○總治痘後餘毒十種火丹

潤玄參

當歸尾

懷生地

鮮紅花

淨連翹

地骨皮

礬石膏

赤芍藥

北防風

淮木通

荆芥穗

淡竹葉十片爲引水煎服

磁鋒砭法

法見四卷丹毒門

防風敗毒散○治痘後身發癰疹出而過多者

此防風 赤芍藥 緣升麻 粉乾葛 生甘草  
水煎燈心引熱服

大補湯○治痘癰而不乾犯之出血

官採參 炙黃耆 當歸身 淨連翹 上薄桂

牛蒡子 正川芎 杭白芍 香白芷 炙甘草

大棗三枚爲引水煎服

密蒙花散○治斑瘡入眼翳障瞳人

密蒙花

酒洗五錢

穀精草

五錢

淨蟬蛻

去翅足淨蟬乾五錢五分

望月砂

一兩炒

共爲細末用臘猪肝一兩竹刀剖開每用末藥一  
錢擦在肝內水煮肝熟飲汁食肝神效不可輕用

點洗之藥反成廢棄

涼肝明目散○治痘後雙目羞明怕日

當歸身 草龍膽 北柴胡 正川芎 北防風

密蒙花 酒黃連

川臍猪肝煎湯煮藥服之

黃連解毒湯○治痘後患痢其熱甚者

酒黃連 酒黃芩 陳枳殼 當歸尾 沙大黃

生甘草

水煎滾熱服

和中湯○治痘後患廌膿血既清以此和之

官揀參 大當歸 陳枳殼 淮木通 炙甘草  
薑棗引水煎溫服

調胃承氣湯○治痘後熱毒作廌腹痛裏急後重、

陳枳殼 錦莊黃 尖檳榔 生甘草

生薑三大片爲引水煎淡熱服

黃芩湯○治痘後痢以經下後以此調其陰陽

酒條芩 酒黃連 當歸身 大川芎 淮木通

南木香 赤芍藥 炙甘草

水煎服。久不止加綠升麻。腹痛加酒大黃。

陳皮竹茹湯○治痘後咽吐有聲有物。

雅黃連

用吳茱萸同炒去茱萸用連

正廣皮

白雲杏

君臣

竹茹一丸爲引水煎熱服。

甘桔湯○治痘後餘毒不清、咽喉塞痛。

芽桔梗

君

大甘草

君

牛蒡子

臣

燈心爲引水煎服。

知母解毒湯○治痘後邪作熱。

淨知母

懷生地

熟石膏

地骨皮

酒黃芩

牛蒡子 緣升麻 天花粉 生甘草

淡竹葉爲引水煎熱服、

黃芩調元湯○治痘後元氣怯弱虛熱身倦、

官揀參 酒炒芩 大麥冬 當歸身 炙甘草

生薑大棗爲引水煎服、

桂枝解肌湯○治痘後熱已盡除忽因外感作熱、

柳楊桂 赤芍藥 片黃芩 官揀參 粉乾葛

北柴胡 炙甘草

生薑大棗竹葉爲引水煎服、

補中益氣湯○治痘後久已無熱因傷食發熱

官揀參 炙甘草 漑白朮 廣陳皮 小枳實

杭青皮 南木香 六神翹 老麥芽 炙黃耆  
生薑大棗爲引水煎服

丁香脾積丸○治痘後傷食腹膈氣急

京三稜去毛醡浸  
煨熟 蓬莪术去皮如  
上製 公丁香

南木香已上各  
五錢 杭青皮去  
穢 肥烏梅連核燒  
存性

猪牙皂燒存性已  
上各三錢 巴豆仁四十九粒燒  
搗去油極淨

共爲細末。醋煮麪糊爲丸。如菉豆大。每三丸。或五

九七九量兒大小白湯送下、

雄黃解毒丸○治痘後傷食腹滿而膈煩悶不寧

明雄黃

一錢另研

川薑金

三錢

巴豆霜

一錢

共爲末米糊丸菉豆大小茴香煎湯下三五丸

保和丸○治痘後一向能食今不思食聞食氣即嘔

官揀參

切焙

漂白朮

各三錢

白雲朮

各五錢

炙甘草

山楂肉

老麥芽

六神鴉

各一錢

共爲細末米糊丸極小每服一二錢米飲下

補中益氣湯○治痘後脾虛寒熱似癰非真癰也、

官揀參 漂白术 北柴胡 緣升麻 廣陳皮  
上溥桂 當歸身 南木香 炙甘草 虛甚者  
加枳附子

生薑大棗爲引水煎服、

調元生脉散○治痘後手足冷脈沉細虛極之徵  
官揀參 炙黃耆 炒白术 全當歸 大麥冬  
北五味 青化桂 虛冷甚者加枳附片、

生薑大棗爲引水煎服、

導赤解毒湯○治痘後神昏妄語餘熱未除也、

淮木通 懷生地 大麥冬 白茯神 黑梔仁

上揀參 石菖蒲 炙甘草

燈心爲引水煎服

安神丸○治證同前

真吐黃五分 正雅連炒三錢 當歸身 黑梔仁各二錢

分錢五

共爲細末以猪心血和勻爲丸如菉豆大砂爲

衣每五七丸燈心湯下

清神散火湯○治痘後毒邪未盡忽然作搐

淮木通 潤玄參 大麥冬 正川連 大當歸

官揀參 白茯神 炙甘草

水煎去渣以辰砂末調服大便秘者微加酒大黃  
自利者倍人參

當歸桂枝湯○治痘後血少手足拘攣不能轉運

官揀參 當歸身 正川芎 白芍藥 炙黃耆

漂藜术 川黃芩 炙甘草 氣虛肢冷加附片

感冒風寒以致筋骨痛加羌活防風血氣大虛者

加鹿茸虎腎淮牛膝

薑棗爲引水煎微加好酒一杯對服

寧肺湯○治痘後邪火未退侵擾肺臟致令咳嗽、

淨知母 牛蒡子 北沙參 懷生地 地骨皮

大麥冬 熟石膏 生阿膠 信前胡 杭白芍

炙甘草

新桑葉七片 桑葉一斤引水煎入竹瀝對服、

加味五皮湯○治痘後面目浮四肢腫、

川羌活 五加皮 漂薯蕷 桑白皮 上薄桂

北防風 淹木通 漢防己 結豬苓 炙甘草

生薑皮

燈心爲引水煎熱服

厚樸湯○治痘後腹脹如鼓、胞腫由水濕飲食所致、

漂蒼术 川厚樸 廣陳皮 緒猪苓 大腹皮

茯苓皮 因於食者加 六神曲 山楂肉

京三稜 蓬莪蘚 小枳實

生薑大棗爲引水煎熱服

茱萸子丸○治痘後虛脹面辱白、四肢冷者、

卷之二  
各科集解  
藥方子

炒五錢另研

洋胡椒

厚模煎湯浸過晒乾用二錢

漂白术

土炒二錢

共爲末蜜丸每一錢陳皮湯下

加減導赤散○治痘後餘熱鬱積膀胱小便赤澀

淮木通 車前子 離麥穗 白滑石 赤茯苓

黑梔仁 淡竹葉

燈心爲引水煎熱服

潤腸丸○治痘後大便秘結血枯氣弱也

當歸尾 懶生地 火麻仁 光桃仁

梨菔子爲引水煎熱服

建中湯○治痘後陽虛自汗、醒眼而出者

柳楊桂 白芍藥 當歸身 炙黃耆 炙甘草  
生薑大棗爲引水煎熱服

當歸六黃湯○治痘後陰虛盜汗睡着而出者

當歸身 懷生地 懷熟地 炙黃耆 片黃芩

酒黃連 酒黃芩

小麥一撮爲引水煎熱服

涼血地黃湯○治痘後毒火流行傷陰動血、

真雅連 當歸尾 懷生地 黑元參 炒槐仁

生甘草

鼻血加 絲茅根 新桑葉

吐血加 敗石膏 淨知母 乳童便 香附米

尿血加 淮木通 白滑石

便血加 北秦艽 槐角子 荆芥穗

不止加 蒲黃茸 生藕節 生柏葉

蓮蓬殼燒灰爲引水煎服

黃連止吐湯○治痘後吐衄此卽仲景烏梅丸之變

制

官揀參

漂白木

川附片

川黃連

川黃檗

肥鳥梅

真黎椒

淨水濃煎人參湯對服

洗心散○治痘後走馬牙疳并赤口瘡白口瘡

川黃連

當歸尾

懷生地

錦莊黃

淮木通

南薄荷

淨連翹

牛蒡子

生甘草

燈心十根爲引水煎熱服

蠶蛻散○治痘後走馬牙疳以此吹之

蠶蛻紙燒灰

一錢

柏白礬

二錢

人中白

取久年者  
火煅二錢

五倍子

二錢

共爲末洗淨敗血以此藥搽之、

陰陽散○治痘後赤口瘡、

正川連

二錢

黑炮薑

一錢

共炒研細末用茶洗淨敗血以此藥敷之、

硃砂散○治痘後白口瘡、

鏡辰砂

二錢

枯白礬

一錢

共研爲末茶洗口瘡以此敷之、

參苓白术散○治痘後飲食不爲肌膚

官揀參

漂白术

白雲苓

真廣皮

錢二分

懷山藥

南木香

六神翹

錢一錢  
一錢

共爲末米飲調服一錢陰日服此

當歸益榮丸○治證同前

當歸身

正川芎

巴上俱

黃汁炒

赤蘆薈

二錢二分

使君肉

一錢二分

共爲末蜜丸米飲下陽日服此

○婦女痘疹證治歌

凡十二首  
共十一方

女人痘疹最難醫，陰鬚從來血易虧。

待得疹瘡將發日，只愁天癸有常期。

正理論云：嬰兒女子，益以滋甚。以女人陰質血常不足，痘疹始終以氣血爲主。一或不足，則變生焉。故女子十四歲已後，有出痘疹者，常恐天癸之行，血走氣虛，每成伏陷。

發熱經行非正時，火邪迫血血奔馳。

急須涼血停爲美，莫待中虛悔却遲。

痘疹發熱經水妄行，却謂天癸之期，此毒火內蘊擾。

亂血海。迫經妄行。月事不以時下。宜玄參地黃湯。  
或因物合黃連解毒湯。以涼血爲主。必欲其止。如  
久不止。中氣虛弱。致生陷伏者有之。

發光時逢經水行。毒邪已解汚方滑。

過期不止須當慮。補氣溫經熱自平。

發熱之時。經水不逢其期。此積汚得去。毒亦輕解。不  
須治之。若過四五日尚不止。以熱邪乘血室之虛。  
迫血妄行。宜先服小柴胡加生地黃湯。以清血室  
之熱。後用十全大補湯。以補氣血之虛。令其出。

易壯易虧

適逢發熱經斯斷、血室空虛怕煩憊、

若然譖妄神不消、熱入子宮醫莫緩、

發熱時經水適斷宜早服柴胡四物湯以防血室空虛毒邪乘虛而入致生他疾若已憎寒壯熱神識不清妄誕見聞言語錯亂此爲熱入血室宜四物湯合導赤散與安神丸相間服之

女子居經日已賒豈堪痘疹證來加

却愁血海停污垢猶慮胞門隱毒邪

女子經閉謂之居經、滿而不瀉、病在心脾、經曰二陽之病發心脾、女子不月、痘疹之毒發於心、又以脾爲主、心脾先病、血室不行、衝任之間已多積垢、一旦痘疹之火鬱於命門胞戶之中、當出不出、毒邪留伏、致生乖戾者有之、故發熱之初、即當滌除停垢、以桃仁承氣湯主之、後以四物湯合勻氣散調理之、

崩漏多時血已枯、瀉而不滿有餘無、  
豈堪當此天行病、濟弱扶傾在吸呼、

女子一向崩漏未止氣血已虛若當天行痘疹必不能任其毒惟宜大補氣血爲主十全大補湯痘出灰白平陷難發難癥者更加熟附一二錢

起發成瘍忽動經氣隨血散豈能停

食多胃足無他慮不食須防陷伏形

瘡既出現已後最宜表裏俱實飲食能多若當起發胞漿之時天癸忽動人但知恐被穢氣觸犯正氣不知自身之血不足爲厭但血出而氣亦虛毒邪乘虛陷入於裏惟元氣素壯能食者必無是變如

氣虛食少之人，未有不成陷伏者。血虛火補湯  
主之。虛甚者加熟附鹿茸。

經行暴啞毒邪侵、血出瘧相失音。  
養血通心言語出、一朝聲價值千金。

女子出痘，經水忽行，暴啞不能言，蓋心主血，舌乃心  
之苗，血去則心虛，心虛則少陰之脉不能上榮於  
舌，故卒失音不語，先以當歸養心湯，養其心血，利  
其心竅，自然能言，以十全大補調之。

起發經行證已乘、內虛伏陽早安撫。

藥靈中病終須吉、證逆違師事不譖、

月事大行、其瘡不起發、不光壯、不飽滿、不紅活、頂平  
陷、灰白色、或青乾黑陷、此裏虛之候、痘復陷入也。  
宜十全大補湯、與奪命散、相間服之、其痘肝壯紅  
綻、或痘空中再出一番、大吉之兆、若加腹脹喘滿、  
譫妄悶亂、寒顫咬牙、手足厥冷必死也。

妊娠出痘有真傳、惟有安胎法最先、  
不可令胎輕觸動、胎元觸動命歸泉、

孕婦出痘、始終以安胎爲主、不可觸動其胎、其初發

熱以參蘿飲發之、痘出現後多服安胎飲爲佳起  
發收屬遲、十全大補湯去肉桂、

痘正豐時產正臨、幾人得法有規箴、

滌除惡露休輕易、補益元神功效深、

孕婦出痘、正當盛時、忽臨正產、只以大補氣血爲主、  
十全大補湯、若腹中微痛、此惡露未盡也、宜滌去  
之生化湯、

產後如逢出痘瘡、此時胎去免憂惶、  
只憑補益收功效、莫犯寒涼生氣傷、

婦人產後出痘，只以大補氣血爲主。十全大補湯，其  
白芍用好酒炒熟，不可妄用寒涼，以傷生發之氣  
也。

○入方

玄參地黃湯

治婦女痘疹作熱，經水不依期而至，此妄動也。

懷生地 潤玄參 粉丹皮 緑升麻 黑梔仁

炒蒲黃 生甘草

燈心十莖水煎熱服。

四物合黃連解毒湯○治證同前火盛毒重者用此  
當歸身 懷生地 杭白芍 正川芎 正雅連  
川黃檗 級黃芩 黑梔仁

淨水燉煎熱服

小柴胡加生地黃湯

治婦女痘初作熱正值經期若四五日不止宜清  
血熱

官揀參 輾柴胡 小條芩 法半夏 懹生地  
炙甘草

生薑一片、大棗一枚、水煎熱服。

十全大補湯

治婦女痘疹發熱經行之後當補之以免陷伏、

官揀參

漂白朮

白雲苓

當歸身

正川芎

杭白芍

懷熟地

炙黃耆

青化桂

炙甘草

生薑一片、大棗一枚、水煎溫服。

柴胡四物湯

治婦女經血方淨違逢痘疹作熱宜升提、

官揀參

軟柴胡

小條芩

當歸身

正川芎

懷生地 杭白芍 地骨皮 杭麥冬 光知母

淡竹葉

生薑一片引水煎熱服

四物合導赤散

治婦女經後出痘熱入血室神識不清譫妄

全當歸 正川芎 杭白芍 懷生地 川木通

懷熟地 炙甘草

燈心十根水煎熱服

安神丸○治證同前與前方間服

真川連

全當歸

杭麥冬

白雲苓

炙甘草

巴上各  
五錢

鏡辰砂一  
錢

梅花片二  
半

共爲細末以臘猪心血搗和少加煉蜜杵千餘下  
爲丸芡實大每一丸燈心湯下

桃仁承氣湯

治婦女經閉日久正值痘臨宜疎去垢穢免留伏

大桃仁

二十個去皮尖研泥

川莊黃

二錢酒潤

鮮紅花

一錢

生甘草

五分

桂枝尾

五分

先煎大黃桂枝紅花甘草湯成去滓入桃仁泥化

開空心服、

四物合勻氣散○治疏通經水之後以此調其氣血  
當歸身 川芎 蒼 京赤芍 懷生地 南木香  
京檀肉 炙甘草

水煎不拘時服

十全大補湯○方見前

當歸養心湯○治婦女癲瘈經行之後忽然暴啞

官揀參 大揀冬 緣升麻 全當歸 懷生地  
炙甘草

燈心十二根爲引水煎熱服。

奪命丹○治痘方起發正值經期其血大下以致陷伏以此與十全大補間服之。

淨麻黃

蜜酒炒黑

綠升麻

各三錢

山豆根

鮮紅花

牛蒡子

淨連翹

各二錢五分

淨蟬蛻

紫草茸

人中黃

各三錢

共爲細末酒蜜和丸芡實大每二丸薄荷葉煎湯化服

參蘿飲○治孕婦出痘發熱之初以此疏通腠理、

官揀參 紫蘿葉 芽桔梗 粉乾葛 信前胡  
廣陳皮 白雲苓 陳枳殼 南木香 炙甘草  
生薑一片，紅棗一枚水煎服

安胎飲○治孕婦妊娠已出現以此固其胎氣

揀人參 漂白朮 實條芩 懷穀地 正川芎  
全當歸 杭白芍 四砂仁 老蘿蔔葉 廣陳皮  
炙甘草

生薑三片，紅棗三枚水煎溫服

生化湯

治孕婦出痘，適逢正產，產後腹痛，惡露未盡。

當歸身

五錢

正川芎

二錢

光桃仁

十二

黑炮薑

一錢

炙甘草

一錢

淨水濃煎服。

痘疹卷終

麻疹骨髓賦

麻雖胎毒多帶時行氣候寒溫非令男女傳染而成其發也與痘相似其變也比痘匪輕愚夫愚婦每視爲泛常若死若生總歸於天命不知毒起於胃熱流於心始終之變腎則無證臟腑之傷肺則尤甚閉戶問途何若出門尋徑揚湯止沸不如去火抽薪

初時發熱儼似傷寒目出淚而不止鼻流涕而不乾咳嗽太急煩躁難安以火照之隱隱皮膚之下以

手抹之亭亭肌肉之間其形若瘀其色若丹隨出隨沒乍隱乍現根窠若腫兮麻而兼癰皮膚若青兮麻以來斑似錦而明兮十有九吉如煤而黑兮百無一蛭

麻毒最重治法不同微汗常出熱勢越而不留清便自調毒氣行而無壅廢理拂鬚兮卽當發散腸胃秘結兮急與疎通苟視大而若細恐變吉而爲凶故衄血不必憂邪從衄解利血不必止毒以利鬆所喜者身中清涼可畏者咽中腫痛飲水不休法

在生津養血飲食若減方須清潤和中

又如出之太遲發表爲費出之過甚解毒堪宜母伐  
天和常視歲氣寒威凜凜毒勢鬱而不行火熱炎  
炎邪氣乘而作癟或施溫補勿助其邪若用寒涼  
休犯其胃制其過但取其平誅其暴必欲其正遠  
寒遠熱陰陽之勝負不齊責實責虛人稟之強弱  
或異

麻疹既出將息尤難坐臥欲暖飲食宜淡風寒若襲  
之爲腫爲熱鹹酸不禁兮爲欬爲喘異氣縱感變

證宜參便多膿血今倉廩血熱欬多涎沫今華蓋  
易寒口爛唇裂心火未退皮焦髮槁榮衛將枯苟  
不詳於臨證何以見其折肱

麻痘西江月

凡二十首

麻痘俗呼麻子蓋因火毒熏蒸砂紅點癧身形發  
自胃經一定切忌黑斑死證最宜赤似朱櫻人都  
治法喜涼清不許辛甘犯禁

麻疹因何欬嗽蓋由肺胃相連肺金被火苦熬煎以  
致欬嗽氣喘治法清金降火不宜悞用辛甜蒸籠

包子譬如然、只要氣鬆火遍、

麻疹如何辨認、分明狀似傷寒、此多欬嗽有紅斑噴  
嚏眼中水現、或見腹疼陣陣、或時吐瀉相兼、疹麻  
吐瀉不須嫌、正要毒除熱減、

麻與痘瘡異治、二家不可同方、痘宜溫解、疹宜涼、又  
要現形爲上、若受風寒、不出其間凶吉難量、急宜  
發散保安康、最怕神昏腹脹、

大凡麻痘未出、詳看天令如何、假如日暖又風和、敗  
毒荆防甚可、若是時行疫厲、芩連消毒宜多用心

卷之二十一  
調理收沉疴坐井觀天莫學

且論荆防敗毒真爲發散仙方，荆防生地要相當，酒炒芩連二樣桔梗人參甘草連翹牛蒡無雙玄參酒築妙真良竹葉升麻停當。

又有芩連消毒散火解毒尤佳，芩連梔子及升麻、桔梗石膏多把甘草人參知母連翹牛蒡紅花引尋竹葉要多加，此個方兒無價。

發散仍前不出，令人真個憂疑，麻黃酒蜜炒如煤，梔子芩連一例，更着大黃酒炒，連翹蕓子相宜，石膏

蟬蛻最爲奇不效命難再立

如見出時紫黑此般自古多凶急求人屎路朝東火  
煅成灰取用研碎酒調吞下須臾黑變爲紅若還  
依舊黑朦朧縱有神丹何用

麻已現形發熱化斑湯用爲先石膏甘草及人參桔  
梗連翹靈驗若是毒多熱甚芩連消毒真傳大腸  
秘結大黃漆務用微通數遍

麻疹類多咽痛火邪熏爛無他連翹甘桔要多加半  
荔射干同下外用十宜妙散吹喫休要吁嗟假如

藥後有爭差消毒芩運妙也、

麻疹再兼瀉痢預先用藥調醫瀉時減桂五芩宜加  
上甘草滑石如是痢兼赤白香連丸子相隨大端  
痢止便爲奇不效令人疑忌、

麻疹聲聲氣促只消降火清金赤芩梔子併黃芩桔  
梗石膏靈應知母人參地骨瓜蔞杏子玄參麥冬  
牛蒡妙如神竹葉將來作引、

麻後切防四證因循多致悞人遍身久熱欠清寧嗽  
嗽連聲牽引牙齒疳生走馬痢下赤白難禁各求

方法貴精純始是醫中絕品、

爲甚身中壯熱只因餘毒連綿金花丸子用芩連龍  
膽杞仁堪羨鬱金雄黃解毒燈心地骨湯煎若還  
脾弱熱長延集聖胃苓任選、

欬嗽頻頻不止或因不忌酸鹹又加火毒肺家延尤  
恐胸高氣喘體實兼行芩蘆神虛清肺爲先如斯  
調理保安痊莫向風波裏陰、

葶蘆丸除肺熱杏仁防已爲奇牽牛葶蘆棗相隨乘  
服共研成劑清肺神丹降氣鹽湯煮焙陳皮芩連

甘草杏仁泥燕子同丸甚美、

口齒生瘡臭爛此名走馬兒班金花丸子好求安外  
用除疳妙散先取尿缸白垢火燒白色如鹽更將  
五搘銅綠漆砒棗燒灰靈顯

赤痢下時鮮血黃連柏葉槐花枳殼荆芥穗同加、痢  
止血除方罷白痢吳萸滑石樗根枳殼升麻烏梅  
取肉作丸佳赤白香連可下、

四疾更防死證臨門休要殊差兒多體熱瘦如麻家  
嗽面青聲啞走馬唇穿齒落痢多禁口吁嗟此般

卽是死冤家、任是神仙也怕、

○麻疹證治歌

凡二十五首  
共二十九方

麻爲胎毒發於心、胃腑相連熱毒侵、

欬嗽鼻中清涕出、且觀雙目淚淋淋、

痘麻皆胎毒所爲、毒者火也、痘爲少陽相火、陽道常饒、故痘大而掀腫、麻乃少陰君火、陰道常乏、故麻小而碎密、心火旺則肺受之、故治麻當以肺爲主、凡咳嗽者、火炎於肺也、鼻流清涕者、以火鑠金而液自流也、目中淚出乃肺熱移於肝也、凡手指眉

目臭面者肺熱證也。

凡遇冬溫最不祥。民多疫癘發瘡瘍。  
若逢斑疹相傳候。可用湯丸預解良。

春溫夏熱秋燥冬寒此四時之主氣也。冬應寒而反溫。陽先暴泄火令早行人感其氣。至於來春必生瘡瘍。未出痘麻者必感而發。雖曰胎毒未有不由天行厲氣故一時傳染大小相似但見麻疹之出宜服代天宣化丸。方見前痘疹總畧以預解之可使毒徹不爲已甚也。

麻出須明歲氣先。忽輕汗下致顛連。

察人虛實施方法。暗損天和壽不堅。

麻初發熱與傷寒相似。但麻疹則面頰赤。咳嗽噴嚏。鼻清涕流。目中淚出。呵欠喜睡。或吐瀉。或手指眉目鼻面。宜升麻葛根湯。方見前痘疹發熱條不可

作傷寒妄用汗下也。汗之則增其熱。爲衄血。爲欬血。爲口瘡咽痛。爲目赤痛。爲煩燥。爲大小便不通。下之則虛其裏。爲滑泄。爲滯下。經曰必先歲氣。毋伐天和。此之謂也。

麻喜清涼痘喜溫、須知麻痘不同門

麻苗痘實無人解、寒熱宜分未可渾

麻喜清涼痘喜溫暖此法人皆知之然麻疹初發亦宜和暖則易出所以發苗之初只要發出得盡則毒便解矣若痘必苗而秀秀而實毒斯解也然成實之時若太溫熱則反潰爛不收是痘後亦宜清涼故治痘麻無過熱無過寒溫涼得宜陰陽自和是爲得之

麻毒從來不可置、出完毒解便無憂

腹中服毒邪猶伏、喘促昏迷命必休、

麻疹只怕不能得出、若出盡毒便解矣、凡麻疹發熱之時、當審時令寒暄以藥發之、如時令大寒以桂枝葛根湯發之、大熱以升麻葛根湯合人參白虎湯發之、不寒不熱以荆防敗毒散發之、如兼疫癘時行以人參敗毒散發之外以胡荽酒用苧麻蘸酒遍身擦之、務令亟出、若發而不出、反加腹中腹痛、氣上喘促、昏悶譫妄者死證也、

過期不出勢淹延、毒伏身中未得宣、

急用透肌休息丸、豈堪臟腑受熬煎。

發熱六七日已後、明是麻證、却不見出。此皮膚堅厚、  
腠理閉塞、又或爲風寒釀之、會有吐瀉乃伏也。急  
用發表之劑、麻黃湯去杏仁、加蟬蛻升麻外、以胡  
荽酒散、麻刮之。如一向未更衣者、毒甚於裏伏而  
不出、涼膈散加牛蒡子、發而解之。再不出者死證  
也。更衣謂大便也

肺爲華蓋臟稱嫡、毒火炎蒸津液消。

喘噦連聲痰唾少、急須清潤救枯焦。

麻疹初發熱時未見出現或數百十聲不已上氣喘急而浮日胞腫時臥時起此火毒內蒸肺葉焦舉宜甘桔湯加石膏知母牛蒡主之

火熱熏蒸汗不停、毒邪併迫血遺經

汗多衛表邪從解、血去榮中毒少寧

麻疹發熱自汗或鼻血出不須止之亦發散之義破

汗者毒從汗散衄者毒從衄解但不可太過如汗太多人參白虎湯合黃連解毒湯清之衄太甚玄參地黃湯涼之

發熱乍然生吐瀉、由他頻出不須怕、

腸胃停汚自此清、胞胎之毒全消化、

麻疹發熱吐瀉純是熱證不可作寒論乃火邪內透  
毒在上焦則吐毒在下焦則瀉毒在中焦則吐瀉  
並作單瀉黃芩湯吐而兼瀉黃芩加半夏湯自利  
裏急後重黃連解毒湯合天水散、

毒火熏蒸氣上騰、咽喉自此痛煩增、

從來麻痘多斯證、解毒清咽效自能、

麻痘咽痛本爲常候乃火毒熏蒸而痛也勿與喉痺

同論妄用鍼刺、蓋喚暉之證、內作癰腫故宜以鍼  
決去惡血、麻痘只是咽乾作渴、宜甘桔湯或鼠粘  
子湯細細嚥之自愈。

麻毒如焚飲水餽、炎邪末許一盃澆、

咽喉急燥心家熱、津液頻枯胃脘焦、

麻疹渴喜飲水、純是火邪、肺焦胃乾、心火內亢故也。  
初發熱作渴、升麻葛根湯方見前、加天花粉麥門  
冬、渴甚人參白虎湯、令黃連解毒湯方見前。

一齊湧出莫驚惶、頃刻渾身朱錦莊。

似痘出時還又沒。如癧紅處却成瘡。

痘疹發三四次出，謂出勻。麻疹發一齊湧出，謂出盡。  
麻疹只要得出便輕減，以火照之遍身如塗朱之  
狀。此將出之兆，出形細密，與痘疹密者相似，但麻  
疹粒粒成瘡，非若癧之皮紅成片，如蚊咬之迹也。  
痘瘡亦艷癧來攻，麻見紅鮮，毒得鬆。

白色血虛猶可療，黑斑惡證莫相逢。

痘麻之色不可同論，大抵痘怕太紅，皮嫩易破，必生  
瘡瘍。麻喜通紅，麻發於心，紅者火之正色。若麻色

淡白心血不足宜養血化斑湯主之色太紅艷或  
微紫或出太甚並宜大青湯黑者死證也

麻之出沒合陰陽 出以溫和沒以涼

連出不收陽氣盛 邇邇間出是陰強

麻疹出沒常以六時爲準假如子後出午時卽收午  
後出子時卽收乃陽生陰成陰生陽成造化自然  
之數凡此旋出旋收者輕若一出連綿三四日不  
收乃陽毒太甚大青湯解之方見前逡巡不出乃

風寒外束皮膚閉竅宜荆防敗毒散方見前

麻出渾身似火燒 毒邪壅甚急難消

解肌只許皮膚暖 救裏還期便溺調

麻疹欲出則遍身發熱或煩躁或頭眩或身拘急及  
既出則身卽清涼諸病悉解此一層麻疹隨收矣

如麻既出熱甚不減此毒壅遏宜大青湯方見前

以解其表小便濶大連翹湯以解其裏大便秘涼

膈散加牛蒡方見前

麻瘡出盡得安和 毒未清時柰若何

拂拂熱煩邪尙熾 頻頻嘔瀉毒猶多

凡麻疹只要出得盡則毒邪解散正氣和平如拂拂  
發熱煩悶不寧如蛇在灰如蚓在塵之狀或嘔吐  
或泄瀉此毒邪壅遏尙未出盡煩熱黃連解毒湯  
嘔瀉黃連橘皮湯二者並外用胡荽酒以苧麻蘸  
酒薑之方法見前待麻出盡則煩熱自除嘔瀉自  
止矣

麻毒流殃爲伏邪幾經惡候致嗟呀

雖然疫癘由天降也是因循人事差

麻疹欲出未出之時卽當早爲發散以解其毒庶無

餘災若不預解使之盡出以致毒質於中麻後必爲壯熱日久枯瘞或成瘍瘍或爲痢疾或欬血喘促或作疳癰而死此雖一時疫腐之染未有不由人事之未盡

麻後留連熱不除、蒸蒸烙手髮毛疏

肉消骨立成疳瘦、幸有良工藥可茹

麻疹收後身有微熱此虛熱也不須施治待氣血和暢自然清涼若熱太甚或日久不減以柴胡麥冬散清之如髮枯毛豎肉消骨立漸漸羸瘦柴胡四

物湯王之、

發熱無休神漸昏、忽然聰聰不驚魂、

莫將痙痙同調治、退熱涼心命可存、

麻後熱不除忽作搐瘓不可稱爲驚風而用風藥宜

導赤散加人參麥冬煎湯送安神丸方見女人癲  
疹條

小便清者可治短少者不可治、

麻毒流殃走馬疳、牙齦潰爛藥空含、

穿喉漏頰聲音啞、早賦歸歟疾似驟、

凡麻後牙齦黑爛肉腐血出、息臭冲人曰走馬疳、馬

鳴散主之若面頰浮腫環口青黑頰漏齒脫唇崩  
鼻壞者死證也宜從四卷齒牙門參攷

麻後洩瀉名麻痢晝夜無停真可異

勿輕刲澁圖霸功禁口毒深凶莫避

麻後洩痢日久不已日休息痢不可妄用澁劑以固  
霸功宜黃芩湯合六一散煎送香連丸若嘔吐不  
能食謂之禁口更加腸滑不止或下鮮血或如烟  
塵水者死證也

炎炎胃火金遭迫欬嗽有聲痰阻隔

胸高肩息目虛浮 擺手搖頭泉下客

麻疹收後微欬此肺氣未平不須調治若欬轉甚喘氣上逆發則連綿不已此肺中伏火宜人參清膈散主之身熱門冬清肺湯主之若欬久不止而浮目胞腫胸高而喘息則聳肩血自口鼻中出面色或青或赤臭燥昏悶搖頭擺手者死證也

麻收禁忌切須防 鹽醋鷄魚慎勿嘗

欲莫從心終是福 物多爽口定爲殃

麻後通禁鷄魚炙燉鹽醋之類須過七七之後方可

食之惟宜食淡不可縱口以遺後患也

麻收無恙將平復飲食如常未縱欲

心胸絞痛忽傾亡 瘦瘠侵凌名中毒

曾見痘麻收後動止出入飲食如常忽然心胸絞痛而死者還是元氣怯弱疫癘之毒乘之正不能勝邪伏於中外若無病內已虧損故一中而死謂之中惡

中惡

嬰稚初離胎殼中 遍身斑駁似硃紅

胎中熱毒於今現 莫作時行麻疹攻

凡小兒初生未滿月者遍身紅點俗呼奶麻子是也  
此胎中受熱故生下卽發現於皮膚不可作時行  
麻毒論治妄用湯劑益藏腑娇嫩不能勝湯丸也  
宜遡源解毒湯與乳母食之

○入方

桂枝葛根湯○治嚴寒時令麻毒難出以此發之、

柳楊桂 粉乾葛 赤芍藥 緑升麻 北防風

炙甘草

生薑三片淡豆豉一錢爲引水煎服

升麻葛根合人參白虎湯

治炎天暑月毒爲熱隔以此涼解之

綠升麻 粉乾葛 白芍藥 炙甘草 淨知母

軟石膏 上揀參

糯米一撮水煎服

荆防敗毒散○治天時不寒不熱以此平解之

上揀參 北柴胡 正川芎 芽桔梗 荆芥穗  
白雲芩 陳枳殼 信前胡 川羌活 川獨活

北防風 炙甘草

薄荷五片爲引水煎服、

人參敗毒散

時逢疫癘流行、適值麻疹以此涼解之、

官揀參 川羌活 川獨活 信前胡 北柴胡

川芎菊 白雲苓 陳枳殼 芽桔梗 炙甘草

生薑三片水煎服、

胡荽酒俗名芫荽。治麻疹不出、以此發之、

胡荽四兩切碎先以好酒二盃壺內煎滾方入胡荽在內蓋定勿煎勿令洩氣以苧麻蘸酒遍身裏

之使麻易出真神法也

麻黃湯○治麻疹六七日應出不出或風寒閉寒、  
淨麻黃 瓢石膏 淨蟬蛻 緑升麻 炙甘草  
葱白三寸爲引水煎服

涼膈散○治麻毒深重裏氣不通而應出不出

錦莊黃 白芷硝 淨連翹 黑梔仁 南薄荷  
淡竹葉 牛草稍

水煎去渣加生蜜三匙和服

甘桔湯○治麻疹胃火炎肺金欬嗽面浮應出不出

生甘草 半桔梗 蕃石膏 淨知母 牛蒡子

生薄荷葉五片爲引水煎服

人參白虎合黃連解毒湯

治麻疹自汗太過恐防衛弱以此止之、

官揀參 淨知母 蕃石膏 生甘草 正雅連

川黃藥 片黃芩 黑梔仁

糯米一撮爲引水煎熟服、

玄參地黃湯○治麻疹動血太過恐防傷陰、

潤玄參 懷生地 粉丹皮 黑梔仁 綠升麻

杭白芍 生蒲黃 生甘草

茅根七莖爲引水煎熱服即繫茅根也

黃芩湯○治麻疹發熱自利

枯黃芩 白芍藥 炙甘草

大紅棗一枚爲引水煎熱服

黃芩加半夏湯○治麻疹發熱吐瀉

即前黃芩湯加半夏生薑

黃連解毒合天水散

花麻疹自利裏急後重欲作痢也

正雅連 川黃檗 柏黃芩 黑梔仁 飛滑石

炙甘草

淨水濃煎空心滾熱服

甘桔湯○治麻疹咽喉疼痛飲食艱難

生甘草君 芽桔梗臣 牛蒡子使

燈心十莖爲引水煎服

風粘子湯○治證同前稍重者用此

鼠粘子炒 綠升麻 鮮射干 生甘草

燈心爲引水煎服

養血化斑湯○治麻疹色淡白、心血不足。

官揀參 當歸身 懷生地 鮮紅花 淨蟬蛇  
生薑大棗引水煎服

大青湯○治麻疹色太紅或微紫或出太甚、

鮮大青 潤玄參 懷生地 蠍石膏 淨知母

川木通 地骨皮 荆芥穗 生甘草

淡竹葉十二片爲引水煎服

大連翹湯○治麻疹既出、熱盛不減、小便短濁、

淨連翹 北防風 瞿麥穗 荆芥尾 淮木通

車前子

當歸尾

北柴胡

淨蟬蛻

赤芍藥

枯黃芩

白滑石

黑梔仁

紫草茸

燈心十莖水煎熱服。

黃連解毒湯○治麻疹出後仍發熱煩燥麻出未盡

也。

川雅連

川黃檗

黑梔仁

枯黃芩

淨水煎滾熱服。

柴胡橘皮湯

治麻疹熱邪未盡麻未出完而兼吐瀉。

官揀參 軟柴胡 廣陳皮 枯黃芩 法半夏  
白雲苓

竹茹一團、生薑一片爲引、水煎服。

柴胡麥冬散○治麻疹收後大熱不退、毒未出盡也

官揀參 軟柴胡 北沙參 大揀冬 潤玄參

草龍膽 炙甘草

燈心一團爲引、水煎熱服。

柴胡四物湯○治麻疹收後發熱不退、毛焦肉削、

官揀參 北柴胡 枯黃芩 當歸身 正川芎

懷生地 杭白芍 地骨皮 杭揀冬 淨知母

淡竹葉

桑葉三片爲引水煎服

導赤散○治麻後熱不除而作搐、

懷生地 淮木通 麥門冬 生甘草

淡竹葉七片爲引水煎送安神丸方見女人痘疹

馬鳴散○治麻後牙齦潰爛臭氣衝人、

馬鳴蛻

即蠶蛻也火燒過存性二錢五

人中白

即尿桶垢括取火煅如鹽五錢

五橘子二錢

白明礬

二錢將礬打成塊裝入五橘子內火煅以礬枯爲度

明按日  
作口

共爲極細末以米泔水洗日然後敷此

黃芩湯合天水散

治麻後患痢日久不已仍宜清解

枯黃芩 杭白芍 白滑石 粉甘草

大棗二枚爲引水煎熟去滓送後香連丸

香連丸○治證同前

真雅連

一兩以吳茱萸五錢同炒去茱萸不用

南木香五錢銓細末

廣陳皮

五錢

建蓮子去心皮二

錢五分

共爲細末醋打神麃糊丸如茶豆大每服一錢、

人參清膈散○治麻後欬嗽日久連綿不已、

官揀參 北柴胡 當歸身 杭白芍 淨知母

鮮桑葉 漂白木 白雲苓 炙黃耆 地骨皮

枯黃芩 白滑石 穀石膏 生甘草

生薑一片爲引水煎服、

門冬清肺湯○治麻後欬喘不已身熱而煩、

天門冬 麥門冬 淨知母 鮮桑葉 懷生地

枯黃芩 地骨皮 信前胡 北沙參 炙甘草

遡源解毒湯

治乳子出胎後遍身奶麻

大當歸 懷生地 正川芎 杭白芍 北沙參

正川連 廣陳皮 上揀參 淮木通 淨連翹

生甘草

水煎乳母服之不可令兒服

勢州

池田曉明順節

男

恒成夫

校訂

幼幼集成卷之六終

跋

嶺南羅浮修士陳公天生  
靈敏學窮樞要於河洛疇  
範天人理數之際確有心  
得其網羅百氏淹貫羣言  
則自宋五子書及叅同契

以下皆能折衷而論定之  
嘗因侍塵座、進質易義、剖  
晰詳明、發揮曉暢、覺先聖  
微旨、後人疑團不無了然  
心口之間、就教日久、乃悔  
向之僅羲公爲高曠玄妙

者、殆淺之乎視公也。公於醫事、頗嘗究心。所經治全活無算、遐邇幼科驚風法門傳習貽害、將以掃除而廓清之。著爲幼幼集成、凡六卷、計數十萬言。凡例十

有二、論辨證治治案、及痘  
麻正變總賦雜歌、共百數  
十條、蓋自胎稟護持迄於  
甫生、稍長、諸凡病因治要、  
罔不備具於冊、可謂無義  
不周、無隱不到矣、又其言

明白顯易、雖山農野老、皆得習其讀而用之、將以消造化夭折之憾、全天地生物之心、是書之行、良非小補、而公之天根淨徹、學識周通、其所以取精而用弘

者亦於此窺見一端云昔乾隆十六年一陽月廬陵後學劉勑謹識於幼幼集成六卷之末